

香山縣志卷之十

知香山縣事申良翰纂修

邑人何源澤編輯

外志總序

澳彙

仙釋

祥異

藝術

寺觀

述聞

序曰外志者何為其非內也而外之亦謂其由內而之焉者也為其非內也而外之於是乎有澳彙有祥異有寺觀有仙釋有藝術有述聞若是者舉非內也謂其由內而之焉則澳彙者由疆域戶口而之焉者也祥異者由天文分野而之焉者也寺觀者由公署學校而之焉者也仙釋者由名臣名賢而之焉藝術者由高士義勇而之焉述聞者由藝文而之焉者是蓋格檇懷遠之道於是乎出祇畏修抹之心於是

香山縣志

卷之十

一

平生神道設教於是乎興貪姪賊殺於是乎息曲學小技可以觀所用心所見所聞所傳聞可以助流政教又安見外焉者之遂無關於內治也哉作外志第十

澳彙

由前山村而南二十里曰濠鏡澳未至三里為關萬曆
二年建設閘官守之關閘上為樓三間歲久圯知縣申
良翰重修其旁官廳二間申良翰建澳中彙人聚處雜
以唐人黑鬼則皆聽澳彙驅使者也先是番舶泊無定
所率擇海濱地之灣環者為澳若新寧則廣海望峒香
山則浪白濠鏡十字門東莞則虎頭門屯門鷄樓嘉靖
三十二年番舶趨澳鏡者托言舟觸風濤水漬濕貢物
願暫借濠鏡地晾曬海道副使汪柏許之時僅草舍數
十間後商人牟奸利者漸運磚瓦木石為屋若聚落然
自是諸澳俱廢惟濠鏡獨為舶藪矣萬曆中督撫奏請
就其聚廬中大街中貫四維各樹高柵榜以畏威懷德
分左右定其門籍以旅禁明王慎德四譯咸賓無有遠
邇異獻方物服食器用三十字分東西各十號使互相

維繫譏察毋得容奸聽海防同知及市舶提舉司約束
四十一年海道俞安性詳請兩院勒碑禁約澳彙畜倭
畧曰倭性狡鷲澳彙畜之為奴養虎遺患害將滋蔓本
道奉勅受事憑籍兩臺制馭巡澳察彙追散倭奴凡九
十八人還國除此蟲賊爾等遂得相安樂土此後市舶
不許夾帶一倭在澳諸彙亦不得再畜幼倭違者倭與
彙俱擒解兩院軍法究處四十二年海道禁約畧曰澳
彙驕悍不法議者有謂必盡驅逐以清疆宇者有謂移
出浪白外洋不容盤踞內地者本道念諸彙生齒蕃衍
不忍其纍纍若喪家之狗當於巡澳日申以國威隨皆
弭耳向化因摘其犯順五款行香山縣遵諭約束免其
驅徒詳奉兩廣部院張巡按御史周五款准勒石立碑
永為遵守今附載如左

一禁畜養倭奴凡新舊彙商敢有仍前畜養倭奴順

搭洋舡貿易者許當年歷事之人前報嚴拿處以軍法不舉一併重治

一禁買人口凡新舊竊商不許收買唐人子女倘有故違舉覺而占恠不法者按名究追仍治以罪

一禁兵船編餉凡番船到澳許即進港聽候丈抽如有拋泊大調環馬騮洲等處外洋即係奸刁定將本船人貨焚戮

一禁接買私貨凡竊赴貨物俱赴貨城公賣輸餉如有奸徒潛運到澳與竊執送提調司報道府所獲之貨盡行給賞首報者船器沒官敢有違禁接買一併究治

一禁擅自興作凡澳中竊寮除前已落成遇有壞爛准照舊式脩葺此後敢有新建房屋添造亭舍擅興一土一木定行拆毀焚燒仍加重罪

按澳門舊有提調備倭巡緝行署三所今惟議事亭凡文武官下澳率坐議事亭上竊目列坐進茶畢有欲言則通事番譯傳語通事率閩粵人或偶不在側則上德無由宣下情無由達竊人違禁約多由通事導之或奉牌拘提輒避匿關閘歲放米若干石每月六啓關廣肇南韶道發封條六道令文武官會同驗放事已封關我

國家之待遠人者可謂至矣若信聽通事驕悍違禁窩逃人買子女一旦閉關過糴必致饑殍流離欲如此日之晏安豐富豈可得哉

竊俗貴女賤男生女則喜長則贅婿入其家為後生男出贅他氏奉天主教尤謹樂施予以故建寺獨多有三巴寺賣家私寺大寺飛來寺發瘋寺風汛寺板樟寺龍鬆寺醫人寺尼姑寺望人寺

唐人寺花王廟而崇閣瑰麗以三巴寺為最

祥異

宋淳熙十一年大旱明年饑詔有司賑卹 慶元五年大水 開禧元年旱詔賑之 嘉定十四年旱 淳祐五年夏五月晦颶風大作夜潮不得退復駕晝潮 盭之淫潦暴至瀕海室廬俱在四尺民多溺死 寶祐元年夏六月旱 祥興元年秋八月星隕於海 元至元十九年夏六月大雨水海溢傷稼 延祐八年饑 至治二年秋九月地震 至正十八秋大水 至正二十五年秋七月彗星見於斗牛縣民訛傳大軍至後征南將軍廖永忠帥師入廣州 明洪武元年春三月彗星見於南斗縣民鄭榮叟歸附 五年夏四月地震 二十八年大旱 二十九年旱 永樂二年冬十一月民居大火 七年夏五月大雨 水害稼 九年大有年 二十一年秋九月嘉禾生

香山縣志

卷之十

於龍眼里 宣德元年秋九月大雨水 十年冬十一月雷 正統八年秋九月大饑詔義民出粟賑濟者冠帶榮身千石以上者壘書旌門 十三年秋八月民訛言石岐浮人截頭明年黃蕭養作亂 景泰元年龍眼里大欖二村糧不播而獲曰糧二村兵以黃冠脅從致水軍之討無妄之變也 七年秋八月戊戌朔卿雲見 天順五年大有年 成化三年秋大饑斗穀值錢六十六文錢法大阻好惡皆二當 一曰掛索錢 八年春正月旱 十年秋七月大雨 水 十六年夏五月癸巳夕地震虎暴入城郭食一人多被傷者 秋冬疫 十七年冬十一月壬辰冬至夜破大雷雷雨二鼓盡乃止是年虎暴連年未息 畜疫豬牛 甚 十八年畜疫 秋九月震雷 十九年夏五月海潮溢壞瀕海民居傷稼 二十一年夏靈雨一月蟲食禾節歲歉 秋七月饑 二十三年春不雨 夏

四月疫 五年庚申地震有聲 虎暴附郭及龍眼
都甚 弘治元年春正月丁酉震雷 有蜚早禾不
獲 夏四月不雨至於八月晚禾不獲 饑 三年
虎暴 龍眼谷字二都甚至有相食者亦常都傳沙魚變虎 四月有 豹 舊為黃山有之至是忽在在皆有為 冬十
二月芝草生 生於儒學西號廢壇一木 三莖五葉高大俱五寸 五年夏六月無雲而震
冬十月辛酉雷電雨如春甲子夕陽而雷昏而雷雨
甚夜分乃止乙丑刈風匝日 六年虎暴 谷字都甚 七月
畜歿 自壬寅至是羊牛猪 鷄犬多歿 十年秋九月壬戌雷電甚雨越三日
雷電雨如春 十三年大有年 十四年春不雨四
月雨始電 正德三年饑 九年秋八月颶風害稼
十四年春二月丁卯雨雹 暴雨連旬 夏五月不雨至於秋
九月 晚禾不獲 良得 二都饑謹 冬十月丁卯雷電雨如春 嘉靖二年
秋八月丁巳方釋莫忽颶母亘天大風拔木摧屋縣
學儒星門毀 四年蓮塘民鄭七仔妻一產三仔

香山縣志

卷之十

七月昏正月不雨至於夏六月 八年秋八月颶風
傷稼 晚禾不獲 九年饑 十四年夏四月大水 十五年
饑 十八年冬十月地震 二十三年夏六月颶風
大雨水城東南墻堞盡壞 二十五年秋八月颶風
傷稼大壞舟楫民多溺死陂地隕決魚皆散逸 二
十六年丁未春靈雨秧苗凍死歲饑 二十七年戊
申水災田稻失收 二十八年己酉三月朔日食
三十年辛亥三月雨雹九月颶風傷禾稼 三十二
年癸丑正月朔日食蟲傷早稻歲饑 三十六年丁
巳二月雨雹六月三十日地震 三十七年戊午春
早蟲傷稼七月初五日地震 四十五年丙寅正月
初十日日中有黑子五日乃滅早禾蟲傷七月潦水
大至米價騰湧 隆慶二年戊辰二月初十日雨雹
大風三月天陰無雨四月十二日潦水至早禾半收

三年己巳六月二十九日颶風大水壞房屋九月三十夜旄頭星見西方長五六尺四年庚午正月朔日食二月十九日雨雹五年辛未九月颶風作水大至歲饑六年壬申春旱夏潦六月朔日食歲大饑萬曆元年癸酉七月八月大水傷禾十月初十日雷電大作五年丁丑立秋後蟲飛食苗盡白九月二十三日申時彗星見西方尾長五六丈白氣亘天至十一月中漸暗不見八年庚辰二月初一日食九月彗星見西方九年辛巳九月至十二月啓明星不見十一年癸未十一月初一日食十二年甲申六月朔日地震七月朔復震十三年夏四月大旱九月大水十四年大水蟲傷稼二十一年七月雨雹如石壞屋宇二十九年九月大水冬詔免明年夏秋田糧三之一四十六年戊午六月

香山縣志 卷之十 六

五色雲現於小欖八月旄頭星貫太白十月彗星疊見四十七年己未春熊羆一雄一雌至泮橋上學役獲之畜於黌宮後逸去夏五月大風撤縣衙居民毀塌無數天啓三年癸亥秋九月獲白鹿於湖洲山知縣周維持範銀為牌銘曰國家禎祥命獵人納之大麓四年甲子秋七月瑞芝生於小欖國學生何贊侯南漪館壁六年丙寅夏四月米價騰翰林院編脩何吾騶時奉使回里捐米煮粥貴糴賤糴存活甚眾崇禎九年五月民大饑國朝順治九年八月初一日五更地震響如雷鳴初二早又震九年八月三次颶風大雨潮田晚造田禾俱災傷無收穀貴民饑八月初六日寺前街猪母生一仔人頭一隻眼頭上正生一角人身猪脚無毛九年十一月初九早梁子直破城殺官刦庫十三日

兵到剗平 十年正月起饑荒穀價每鄉斗一石銀
一兩七錢民死甚多本縣煮粥賑饑穀價增至每鄉
斗一石價銀三兩米一升銀七分五釐至六月民始
甦 十一年二月初九日石岐河出血水如線紅色
出兩日 六月十七日夜戌時地震 十二年十月
二十五日五更雷鳴巳時又鳴小雨午時大鳴二十
八早雷大鳴大雨十二月二十七雷大鳴 二十八
晚雷大鳴大雨閃電

寺觀

無量寺在縣治東北

舊在縣東南五十步本劉中行宅乾道中掘地得鐵佛遂舍宅縣令

慶寺舊址后廢永樂七年僧會祖重建嘉靖二年提學道檄教諭顏階毀銅佛鑄邊豆二十四以祀文廟七年遊僧重建

本寺田併寶慶廢寺田共九頃六十一畝有奇

仁厚坊民等戶

元興廢寺在縣北大海中浮虛山上

宋趙時敏始建真武堂見藝文志元大德中改為寺元末毀于兵火

田一十二頃三十畝有奇

大德都民民曹觀井及順德都民李日章等戶

西林廢庵在縣北一里蓮塘村

庵後有觀音閣俱毀

田四十九畝有奇

仁厚坊民徐道慶戶

獨覺廢庵一名寶林

在縣東九十里東山村

宋端平中鐘俊龍戶

田二十九畝

有奇

大字都民李呵蔡戶

城隍廟在大櫓寨前巡司公署之左

鳳山古寺

在小櫓鳳山之陽其前為鄉約亭自昔講六箴于此

寶蓮寺

在大櫓

香山縣志

卷之十

普覺寺

在小櫓王官營祀南宗六禪師思貢生河源道建

開元庵

在大櫓飛駝山落霞峰下

北帝廟

在小櫓何內閣建

靈佑康元帥廟

在小櫓詩社

西竹廢庵在香山場

元至正初鮑原建

田四十四畝有奇

恭常都民蔡勝安戶

龍歸廢庵在縣西南斗門村

宋紹興初建元末久毀

田二頃一十四畝

有奇

黃梁都民黃官保戶

西山廢庵在縣南鳳凰山西

宋咸淳三年吳成子建

田六十一畝有奇

普陀廢庵在香山場後

宋咸淳五年周仁建元大德中縣令李玠重脩自為記畧曰昔

玠茲來宰三年政和民樂因累隙曠險石伐翳木翼之以亭廬繪之以神像重脩殿庭夾室旬月落成父老采質玠呼前語之曰是庵之建層層飛空金碧炫目極擅鬱瑞氣縹緲山鳥間關空鳴谷應林花飛墜井列泉甘地靈使然歟若等官餘賦畢醉後逃禪引清泉而濯塵襟撫茂樹而坐終日一觴一詠亦足以游目聘懷暢適於斯得遂浮生嘉話回視夙昔風景何如哉是為記

田七十五畝有奇

大字都民劉三奴戶

香林庵在縣南十里小嶺山中崇禎年間僧慧融建嶺

產佳茶

白衣庵在縣北西林庵後山之巔崇禎年間建

象母庵在縣城內東北豐盈廢倉舊址順治年間知縣

胡戴仁建田五十畝附無量寺畸零戶內係僧慧信

自置後撥入

翠竹廢庵在縣南東山下樓前村元大德中黃節性建田二頃九畝有

奇四字都民林是祐戶

建福廢堂有二一在縣海旁濠涌村宋紹興中陳廷武建田五十二畝

有奇龍眼都民陳大奴等戶一在縣西北古鎮村宋紹興中黃巖安建田二頃三十

三畝有奇大觀都民陳俊祥戶

北極廢觀在縣東鎮撫司舊址宋乾道五年縣令范文林建淳祐癸卯主簿宗

色之壯麗者也兩鳩之禱廟之拜必先焉余始任謁時觀其階級之崇嚴輪奐之弘敞景深不惑于中州退見守者陳夢說曰若其功乎守者復然辭曰明也佐宋公實史此字也初經營隘陋久廢不葺垂及百年內履歷至幾毀者像兩區墟兵禍為莽區門觀亦就頽而僅支耳惟三清殿歸然如魯靈光獨存益改造于嘉熙之新元而事力猶困示暇理也公見之惻然乃循舊址出新意增廣而壯麗之觀已偉為邑人先而邑之勇于好善者亦相與謀曰此為吾等植福基也蓋有以相其役歟故輸財而獻力者相屬不石山富工斷兩從向之慮者公竟然向之墟者今森然與夫就頽而僅支者俱煥然而一新加闢二

香山縣志

卷之十

九

殿左右對峙慈濟祠乎東魁星位乎西度壇儼爾百具整脩癸卯十一月始營而落成于甲辰之秋後踰時而民不知倦身督而政自理其他勤且敏奇類此不但匠而經畫之精敏也居無何詢余求記余知公廉強而明決且志遠大異當且有餘敏可觀者夫祀祠更造民有依矣邑校易治士有養矣凡經營矩度皆所措授愈出新而各中其則其規矩力量可知也敬援筆記其大畧以誌後人公名之望字敬山甫之世科云淳祐乙巳秋說

集真廢堂在縣東北丫巷宋紹興中劉心從建田五畝有奇龍眼都民劉進脩戶

顯真廢堂在縣北小黃圃村宋紹興中林仲芳建田二十九畝有奇黃旗都民

林佛得戶

天妃廢宮在河泊所前洪武中千戶陳豫建田八十八畝有奇四字都民韓二妃戶

康帥廢堂在縣西沙涌村元至元中杜季和建田六十七畝有奇良字都民李道蔭戶

忠勇廢堂在縣西小口村宋寶祐中阮能安建田三十一畝有奇都民阮景伯戶

洪聖王廢廟在海洲村元至正中袁元隆建田一頃二十一畝有奇都民林茂戶

遠戶

按宋乾道中縣令范文林始建無量寶慶兩寺及北極觀邑氓興起多建廢堂淫祠不可盡紀元季毀未盡者嘉靖初提學副使魏校盡毀之僅書其有田糧者以備

仙釋

陳仁嬌者漢廷尉臨之後也父玘母鄧氏自幼靈慧父母名之曰安自以仁嬌為字家人嘆異之嘗夢為逍遙游餐丹霞飲玉液乃寤不瞑每思舊遊不可得至八月十五日丙夜忽有神仙數百從空招之仁嬌飄飄然隨衆謁於帝居遂掌蓬萊紫虛洞天歸而能飛至龍塘潭峽中與羣仙共戲釣於潭魚皆不腥可近呼鶴下啄之笑以為樂其儔侶五人曰瓊嬌玉潤伯山蟾姬伯瑰相與飛至深井踏石而歌明月漁人見之須臾凌空而去石上留履痕焉人號其處為仙女澳又曰蓬萊仙云宋元祐中降於廣州進士黃洞家經略使蔣之奇傳其事唐圓明禪師姓陳福州人叅大溈得旨嘗遊五臺山觀文殊化現開寶中從樞密使李崇矩巡護南方因入院觀地藏菩薩像問僧云地藏何以展手僧云手中珠被

香山縣志

卷之十

十

賊偷却了也李乃謝之淳化元年示寂壽一百三十六歲後邑人建西林庵祀之真教禪師璿姓陳氏嘗對御陞座賜法果禪師號又奉旨住潭之道林寺唐咸通初從鄭僕射至廣州遂示寂焉

黃懶者宋人也披剃為僧有異行奇術號黃道人居西村山因名其山曰黃道游龍歸巖跣跌而化弟子塑像於巖紹興中賜號惠慈普濟禪師邑人趙梅南於巖建祠以奉之許道人者泮沙許東齋女也幼有超塵之志父母禁之不可遂清齋入道先有碓石和尚創庵雲梯山號張道人庵至是脩而居之經年獨處常有虎衛其廬

藝術

官能者千戶所小旗也生有巧思成化間林良以寫花
鳥擅名能欲抗衡乃精繪鱗鬣意恣飛動見者以為真
焉士夫携繚楮詣門者無虛日
詹師者北山人習廬山法術以符咒治病祛邪擲火鈴
踏刀梯有神下之病者輒愈失物相誣關者投銅錢沸
油中常人手探輒得如挹清冷盜則灼爛變幻物態役
使鬼神非止一端故老有能詳道之者

述聞

舊志載地慝曰吾邑荒薄物產不足以克錫貢然有二害焉其一恭常都鷄拍村銀涌角宋初產銀官取上供屬廣州宜祿場大觀中廣東廉訪使黃烈奏言鑛內苗脉微甚而浮沉之人以納官為名發毀民田騷動遠近詔罷宜祿場令官封之違禁者誅逾三百年人無敢發者正德中順德豪民勾引勢家糾集逃叛及白水徒賊偽奉朝旨執照乃開鑛採煎村民初猶拒之其後力不能勝盡被屠戮而淫其妻女使供炊爨嘉靖甲辰苗脉已盡賊徒乃散然其地鷄犬桑柘亦俱盡矣其一邑南海中三竈山有田三百餘頃極其膏腴甲於一方在宋為黃字上下圍元時海寇劉進據之洪武初屬黃梁籍居民吳進添通番為亂二十六年都指揮花茂奏討平之悉遷其餘黨詔虛其地除豁田稅永不許耕歲令官

香山縣志

卷之十

十二

軍千人防守正德中南海勢家以新會虛稅影占亡命之徒附之招合狴獍立為十甲聚眾盜耕嘉靖十五年該都里排贖為已業已而有錢備者素通番舶倚強占奪里排無如之何分上下圍管業而闕擾今猶未息有司丈量餘田歸官復為勢豪侵據號召海寇大為民害焉

舊志載吾邑山林川澤之阻虎狼虺蝮雖或害人然毒莫如胡蔓蠱莫如藥鬼者胡蔓草也葉如萋花黃白不一一葉入口百竅潰血人無復生邇來品彙益盛花葉益異山中在在有之克民將取以毒人則招搖若舞狀真妖物也或有私怨者茹之呷水一口則腸立斷或與人開置毒於食以斃其親誣以人命者有之知縣鄧遷嚴加禁約後得少悛云戊子間有署縣羅明夔者雲南已卯解元於崇禎十七年任鎮平令戊子春署香山縣

事驗知胡蔓草之毒往往為奸人籍以挾詐愚民痛禁之下令曰凡有以事告理者人取胡蔓草數十本左携草右挾詞然後得進遂積而焚之四郊遠近搜羅殆盡藥鬼者愚民造蠱圖利取百蟲置器中經年視獨存者能隱形與人為禍隋志載其法以五月五日聚百種蠱大者至蛇小者至虱合置器中令自相啖除一種存者留之蛇則曰蛇蠱虱則曰虱蠱行以殺人因食人入腹內食其五臟死則其產移入蠱主之家三年不殺人則畜有自種其樂累凡屋宇淨無塵網者即其鬼所為也又名挑生於飲食魚肉果菜皆可入人 害者胸腹攪痛十日其蠱能動腫脹如甕九孔流血而死永樂初縣丞彭豫懲數家於法然負郭及諸鄉村尚或有之嶺南衛生方治胡蔓草毒急取即永生鷄兒細研和以清油幹口灌之乃吐攪喉令吐在下禹者變金水二錢飯又有麻藥真酒中飲後昏不知財物皆被奪去久而後醒凡蠱毒麻藥今皆無有惟胡蔓草尚有存者附錄於此

十卷終

香山縣志

卷之十

十三

